

# Ein Schöñ sied\

von der weltlauff/ vnd von dem  
schweren vnd von denen die  
Gott leßtern. In des  
Schillers Thon.

AD BIBL.  
UNIVERS.  
MONAC.



¶ Wen ich ansich der welte lauf/dz als  
le sünd so gar hand Cain straff/in juns  
gen vñ in alten. So wil ich aber heben  
an/niemandt sol mirs vertübel han/ ich  
mag es nit verhalten. Die welt die ver  
schuldet sich so seer/mit mancher hand  
sachen/Cain sünd wil niemand straffen  
mer/des bedarff Cain weiser lachē/ das  
rum b vil sünd hand vberhand genum  
men/es möcht wol darzū kumē/es wur  
de der welt laid/ir grosse vppigkayt.

¶ Alle sünd die setzt ich hindan/ vñ wil  
vom schweren heben an/vñ etwas das  
von singen. Das jung vnd alt gemain  
lich thüt/bey got vñ bey seim heyligen  
blüt/schwerd man zū allen dingen. Der  
sachen der nimbt sich niemand an/das  
müss gott ymmer rewen/der vns an dē  
frone kreuzz gewan/ mit väterlichen  
trewen/den solt man eerent vñ daz vbel  
straffen/wee denē ymer waffen/die dz  
zū weren hand/vñ sichts nit vnderstād.  
¶ Der Priester straff hilfft nit allain/  
der weltlich gwalt sold darzū thün/ so  
möcht die straff erschiessen. So ist der

priester straf vmb sunst/yegklicher lebt  
nach seinem lust/das möcht Gott wol  
verdriessen. An gottes stat der priester  
spricht/das man die sünd sol werē/Es-  
bruch vnd was sunst mer geschicht/spil  
wücher vñ auch schweren/darumb sind  
vns die obern zugeben/wer vppigklich  
wölle leben/dz sie brauchen jr weltlich  
schwert/das man gebessert werdt.

**T**Wan̄ es kummet aller gewalt/daruß  
das man straffen solt/vas vbel ist ges-  
thane. Welcher zu straffen ist verpfli-  
cht/vñ der das übel vbersicht /der selb-  
nimbt gleichen lone. Mit dem vnd der  
das übel thüt/als alle lerer sprechen/jr  
obern habt euch selber in hüt/Gott  
wirts sunst an euch rechē/ich main yeg-  
klichen der hat zu regieren/sein straff  
die sol erfüren/vber seine vnnderthan/  
das wil Gott von im han.

**T**Un̄ kum̄ ich wider an das schwerē/  
Gott der vns teglich thüt nerent/dem  
hebt man auff sein leyden. Das bringt  
vns Christen kainē glimpf/mā schwert  
in ern̄st vñ auch in schimpff/die sündt

wil niemandt meyden. All schwür die  
 man erdencken kan/von alten vn̄ von  
 jungē/die gottes menschait treffen an/  
 Herz leber hirn vnd lungen / der vater  
 wil seinem sun solchs mit weren/die zeit  
 thün wir verzeren/mit grossen schwerē  
 schwür/ich sing laider kain mer.

Vnd sunderlich ob dem spil/ mer ges-  
 schehen grosser schwür so vil/dz solt mā  
 nit gestattē. Ein yeder öberer in seiner  
 zunft/d solt da brauchen sein vernunft  
 seyd er den gewalt wol hatte. Das er  
 kain doppel ließ fürgan/er bringt flüs-  
 chen vn̄ schwerē/möcht einer den seine  
 vnderthan/ein solchs nit erweren / so  
 solt er ee sein ayd drumß auff geben/ ee  
 er sündlichem leben/wölt gebērw vnd  
 stadt/das seiner seelen schadt.

Niemand hat kain auff sehen mer/  
 was got antrifft an seiner eer/dz bleibst  
 als da hindē. Wen strafft man ein gorz  
 lesterer/der billich wol zu straffen wer  
 das wil niemand besinnē. Man last es  
 alles sampt hingan/es wert bis auf ein  
 zeyte/man thüt sunst sachen vnderstāl

da got nit vil an leyte/auf minder ding  
 da setzt man wol ein peen/daz wil man  
 vbersehen/ich darff nicht melden das/  
 jr mercket selbs wol was.

¶ Setzt ma ein schilling auf ein schwür  
 vnd nem es hin glat von der schnür/ so  
 dörft ich wol verwetten. Ee einer geb  
 sein guet vnd hab/ er thet sich ee des  
 schwerens ab/Gottes ere die solt man  
 rettē. Die straf die wer dannocht vil zu  
 schlecht/wen̄ man gelt nem von dē leū-  
 ten/hört w̄z ist gewesen recht/bey Rü-  
 nig Ludwigs zeiten/wer schwür dē ließ  
 man durch die backen prennen/dz man  
 in möcht erkennen/das er Gott geles-  
 stert het/der für vns ward getödt.

¶ Solt man yetz all gozlesterer/durch  
 backen prennē wo einer wer/mā wurd  
 jr gar vil sehe. Das ist vns Christē wol  
 ein schand/vor Juden vñ hayden allen  
 sand/die warhait müß ich sehe. Sie ne-  
 men ergernuß daunon/den wir für Got  
 anbetten/der wird vō vns gecreuzigt  
 nun/herter dann die Juden thetten/all  
 glider damit Christus hat gelitten/se

Kains dz bleibet vermitten/mā schwert  
 teglich dabey/jung alt vñ wer das sey.  
**T**In alter Ze was sit vnd gewon/wē  
 man hōrt ein Gotfleßtern/mit freßens  
 lichen worten.Daz waz den leütten also  
 layd/das sie zerrissen ire klayd/wen sie  
 ein sōllichs horten.Also thet auch Cai-  
 phas nun/do er zerriss sein klaide/das  
 sich Christus nant Gottes sun/es was  
 sm also laide/er maint er het Gott ges-  
 leßtert da zühande/solt einer yezt sein  
 gewande/zerreyßen wen man schwür/  
 Rain rock belib ganz glaub mir.

**T**Die welt die thüt gleicherweyß/als  
 ein mal geschach zü Paryß/da von ich  
 euch wil sagen.Da saß ein man vñ der  
 het/ein fraw die selb het verschuldet/  
 das sie den stain solt tragen.Den man  
 erbarmet seer sein weyb/daz sy solt han  
 die schande/sy was im lieber dann sein  
 leyb/er gieng bald hin zühannnde/vnnd  
 bat die Richter all gemain/vnnd das  
 man in den stain/ließ tragen für die  
 fraw/dasselb das thet man da.  
**T**Das stundt kürzlich/bis auf ein zeit/

191

der man zornig vnd verheyt/ er wolt  
sein frawen schelten. Do hab sy jm auff  
den laster stain/sy sprach sie het nie tra-  
gen kain/seiner trew muest er entgels-  
ten / das thut man yetz Christo auch/  
der fur vnns hat getragen / den stain  
das ist das Creutz hoch/daran er wart  
geschlagen/das heben im die Christenn  
auff so seere/als hab er sein kain eere/  
er truegs fur vnser sünd/das wir wur-  
den sein kindt.

¶ Alles das ich gesungen han/ich hoff  
wir werden daruon stan/ vnd rüeffen  
an Marey. Vn das sy pit jr liebes kind  
vnd das er vnns die vnser sündt/ gar  
gnediglichen verzeych. Kain sündner  
mer auff erden/wen rewet in sein sünd  
lichs leben/vnd setzt im für das zumey-  
den/Gott will jns gern vergeben/des  
han ich wol ein trost von manchē sün-  
der/dicht Herman Franc der Binder/  
jns Schillers melody/Gott vns genes-  
dig sey:

A M E U.

1924